

## RANIJYU NUCHARA JUAN CATERA

---

### Samuchueda

<sup>1</sup>Ray, Jüdenü siityarivay jnytyi rimyityu, rañurya catera şadaju Jüdenü jaryetasany, şanudadyeñuta, jiryatyi ravyata şitenu vařadamu jiry. Ne vinu ray, rijerye jiryatyi şitenu Jüdenü niquejada datyavadyeryi. <sup>2</sup>Nüvyata şitenu jiry, tapi şitenu saniquejada daryaju nüdyimu, rařaşosara řitaju junareju nüdyimu. <sup>3</sup>Raşasara jiryeyü samiry vichada Jüdenü jtedamu, şantyutyadamuju jarye, samiry jachipiyajada jarye risaju. Vujye Jüdenumusi řitajura, Vuyntyityu Jesucristumusi jarye risajura, jiryatyi Vujye denu dañi. Darya řařa şitenu sajachipiyajadamu, savatadamu jarye risaju.

<sup>4</sup>Richanay jita jaryi jiryatyi radyi ruuva şanudadyeñute, riryupityityi şitenu nüva, daryatyi şteda Vujye vuryarupi sanüva. <sup>5</sup>Rayasantasara diye şada, señorajuy, vuryavatasara nüñivajyuu vuy. Ne rañurya vadi niquejada şadaju, ranuma ranicha jiryatyi rajottyamusiy vuryimura. <sup>6</sup>Rani jita şitenu vařasara, jiryatyi vuryupi ştedamu. Şteda jita vuryama rupi vařadamu sanüva, daryani jiryetyuvachoda rajotadamusi.

### Jiryajnytya quivvuyejsiyu

<sup>7</sup>Richipyateda jita rajuvay quivvuye daryaju mucadivaju, ne rityuchury: “Şitimã Jesucristu vuvyuti.” Riñi jita Quivvuyamusiy, jiryatyi Cristu jiyaronü dañi. <sup>8</sup>Jiryantya jny rayada vuryivaa-yada, jiryenuma ştyanirya vuryivaa-yada, vuryatidye jmutya řitajura vumyurichenusada. <sup>9</sup>Minityi jiyantatityi vanira, ne sařaşosara varyi Cristu datyadodamuju, ne Jüdenuti variñi. Nityi mařosara sadatyadodamu, niñi jita vichasara Vujye Jüdenumu day, sadenumu jarye. <sup>10</sup>Şanumatyi juři datyanu jiryimu, netimyü ne sajtita şitenura datyadoda, ne jiryajmutyasa jiryorimuyuni, dantymuy ne jiryadirye jaryi samiryamuni. <sup>11</sup>Nityi řadirye samiryamuni, sařa sisã jvaayadaju varyi, nicyaray jvaayadaju.

<sup>12</sup>Rajuura niquejadati daryaju ray, ramutimyü ne rañuryy diye cateravara, ramutiy riviryü jiryimu vuryatidye nique vumyo va řitajute, vuryatidye jtotanirya vuryichanayada varyi. <sup>13</sup>Rupa şanutaryatuy dadyeñu jiryimura jimyuchueda, Jüdenü jaryetasany daryaju nadantiy.

*Sayanuma  
Juán*